


南軒集

卷之六



古詩  
律詩

漢書門			
一	二	三	四
冊	架	函	號

內閣文庫			
五	一	漢	
五	〇	書	
函	七		
二	一		
三	〇		
架	冊	號	類

內閣文庫			
番號	漢	J	713
冊數	10	(	2)
函號	315		130



糊などで貼り付けられている部分がめくれない箇所あり



南軒先生文集卷第三

古詩


淺草文庫

五月十六日夜城南觀月分韻得月字

梅收清風來字淨實鑑揭頻年城南游未有今  
夜月呼舟泛微瀾游魚亦出沒危榭倒影浮倚  
檻涼入骨舉酒屬西山寒光動林樾諸君興未  
已南阜上突兀目極大江流高情更超越

三月七日城南書院偶成

積雨攸始霽清和在茲時林葉既敷榮禽聲亦  
融怡鳴泉來不窮湖風起淪漪西山卷餘雲逾





覺秀色滋層層叢綠間愛彼松栢姿青青初不  
改似與幽人期坐久還起步堤邊足逶迤游魚  
傍我行野鶴向我飛敢云昔賢志亦復詠而歸  
寄言山中友和我和平詩

四月二十日與客來城南積潦方盛湖光  
恬然如平時泛舟終日分韻得水字

澤國盛梅雨漲潦彌兩涘常時侵盜患乃復到  
城市納湖迫西閘衝突固其理今年築隄防捷  
石細積累艱辛迄崇成龜魚亦歡喜節宣有程  
度盈縮無壅底昨宵水沒岸民居例遷徙走馬

來問訊此若堅城壘江濤從渺茫湖光自清泚  
小舟足游泳新荷方蕤蕤嘉我二三客共此風  
日羨相期寂寞濱雅意淡如水念言隄防功得  
失乃如彼而况檢身者詎可忘所止明朝更哦  
詩斯言或當紀

展省龍塘有作

十年衡山陰驅馬幾往還山色如故人牧豎隨  
馬鞞俛伏長松下清晨滂沱瀾念昔初拱把茲  
焉影團藥白雲歸何時日月如轉環簷首祝融  
峯依前倚高寒於焉百感集欲去良獨難



田舍

竹葉帶曉露茅簷起炊煙蛩吟枯草根犬吠壤  
垣邊田家亦何營生理固足憐風霜摧我稼  
稂莠長我阡卒歲復何念一飽未補前我思昔之  
人備豫理所先積倉徧郊野甘雨盈公田臨風  
重搔首復古何由緣

舊聞長沙城東梅塢甚盛近歲亦買園其  
間念欲一往未果也癸巳仲冬二十有八  
日始與客遊過東屯渡十餘里間玉雪彌  
望平時所未見也歸而爲詩以紀之

半生客荆楚歷覽非一隅寧知城東路有此梅  
萬株瘦馬路曉寒清風起菰蒲度溪上平坂頓  
覺景物殊霏雪下晴晝香霧迷前驅近坡與遠  
嶺玉立同一區老樹固瑰特小枝亦敷腴有如  
衆君子彙聚德不孤精粗無可揀酖酪與醲醑  
千株未覺多此語信不誣班荆或小憇右酒時  
一斟勝賞諒難盡昭質知不渝我有十畝園丘  
壑正盤紆念此縞袂侶歲晚我娛來遊自今  
始琴書與之俱回首桃李場冷淡莫邪掄  
平父求筍彘既并以法授之乃用往歲張



安國詩韻為謝輒復和答  
知君友竹君寧使食無肉更啜脯笋詩句妙賢  
可僕南公鮭菜儉父壘嗜好自爾元非癡君但  
將從力噉此大勝折腰鄉里兒

題淮陰祠

秦關昔先驅南鄭豈淹久夜中丞相歸平明印  
垂肘右來豪傑人調度出窠白登壇一軍驚六  
合已在手從茲看廓清指揮如運帚時艱思奇  
才廟古酌樽酒出門望長淮故園長稂莠風雲  
正慘澹人事極紛糾拘孳僕無累吾欲獻九九

時為桂林之役斜川前一日刑部劉公置  
酒相餞曾節夫預焉既而劉公用陶靖節  
斜川詩韻見貽亦復同賦以謝

通籍念無補先廬獲歸休所忻三載間暇日從  
公遊城中十畝園頗復依清流渺渺送歸鴈翩  
翩下輕鷗駕言欲南驚踟躕春林丘况且遠晤  
言公唱孰與酬祖席近佳日呼客仍我儔相與  
予載思誰復念此不新詩更紆餘用以寬離憂  
它年南阜約剝啄時相求

城南有丘歸然名以  
南阜它年當與公歲

講是  
遊也



送劉樞密留守建康

整駕欲南騫乃復送公舟公行民所瞻願言勿  
淹留向來秉事樞正色有忠謀坐覺國勢尊已  
驗權綱收如何霖雨澤偏使及南州親春紫詔  
下聞者寬百憂誰昇今重鎮百萬宿貔貅控江  
撫長淮聲勢接上流吾皇志經略此地合綢繆  
不應萬全策歲月空悠悠先當植本根次第施  
良籌未聞欲外攘而乃忽內修幕府方宏開人  
才要旁搜可不念葑菲惟當別薰蕕留鑰豈淹  
久即歸侍前旒盡舒醫國手調瘳會有瘳還憶

遐荒守時能寄音不

淳熙乙未春予有桂林之役自湘潭往省  
先瑩以二月二日過碧泉與客煮茗泉上  
徘徊久之

下馬步深徑洗琰酌寒泉念不踐此境于今復  
三年人事苦多變泉色故依然緬懷德人游物  
物生春妍當時疏闢功妙意太古前屐齒不可  
尋題榜尚覺鮮書堂何寂寂草樹亦芊芊于役  
有五事未暇謀息肩聊同二三子煮茗蒼崖邊  
預作他年約扶犁山下田



七月旦日晚登湘南樓

文書稍去眼日夕進微涼高樓一徙倚清風為  
我長漁父蔭深樾歸人度浮梁仰看河漢明俯  
視群山蒼平生會心處於此故難忘舊聞水東  
勝巖巖發天藏豈無一日暇勇往聊徜徉民瘼  
未渠補况敢懷樂康天邊雲物佳似復為雨祥  
秋成儻可期歲晚或自強當從農家鼓一歷水  
雲鄉

望後一日與客自水鄉登湘南月色佳甚  
翌日用鄉字韻簡游誠之

一雨五日餘南州三伏涼喚客近方沼笑譚引  
杯長相持復登樓月色在屋梁念我懷百憂忽  
忽髮變蒼及此少自舒觴詠未可忘孤光凜下  
照景妙無留藏沙邊數白鷺欲下仍翔翔群動  
亦自得如我四體康平生子游子虛白生吉祥  
官舍並樓居登臨筋力強未可效王粲居然思  
故鄉

誠之所居正在樓旁自  
以來每携書獨登

定叟弟生朝遣詩為壽

我昔在巖城惟子桂林思舊游復更踐相望仍  
今茲行止不可期會合何參差况乃近重九清



杯憶同持想子撫初度難忘蓼莪詩而我獨東  
向慇懃頌期頤祝子以愛身永佩過庭規勉子  
事遠業首賢以爲師安車按節度中道行逶迤  
他年老兄弟鶴髮仍龐眉歲晚詔平生期以無  
媿辭及此良未易兢兢願同之

八月旣望要詳刑護漕游水東早飯碧虛  
徧觀棲霞程曾龍隱諸巖晚酌松關放舟  
過水月洞月色佳甚逼夜分乃歸賦此紀  
遊

灘江即湘江戢戢清見石其東列群峯秋色碧

復碧日出霧露收草徑上逼側憑欄指望眼已  
足慰疇昔更窺巖穴勝創見爲驚咋如何數里  
間奇觀相接迹寬同廈屋深劃若巨靈擘日月  
流光景風雲變朝夕石橋幾年成乳竇時一滴  
神龍舊隱處仰視多辟易蛻迹凜猶存隱隱印  
霜脊下有澄湫深餘波漱蒼壁往者已仙去來  
者此其它薄晚扣松關風過聲索索聊麾車騎  
退容我且散策卻望訾家洲輕舫度前磧回首  
烟樹林已復掛瞻魄宇曠淨餘滓群物被光澤  
何所寄遐思空巖皎虛白清輝可一規水色相



激射天邊與川上亭亭如合璧居然廣寒游不  
用假六翮班坐依微瀾晤賞共佳客因之想千  
載詎有今古隔簫鼓歸夜闌觀者粲城陌往往  
羅杯拌班班見殺核諒因年歲豐人意少舒適  
視爾意少舒於予亦忻懌

次韓機幕韻

韓杜有佳句炯炯如辰星自昔此邦勝中土亦  
飲聽奇觀今愈多洞戶長不扃秀色真可餐腴  
澤到畦丁寒巖度輕舫瘦嶺着危亭回已小鴈  
蕩寧復談錦屏自我來擁麾每思御風冷如何

半載間足迹才一經居然俯仰中便覺塵慮冥  
舊刻暗蒼蘚往事過奔霆頗聞煙霞外往往接  
神靈向來羽衣士吐內誇奇齒終焉亦歸盡難  
留鬢毛青寒鴈度霄漢沙鷗飛遠汀大哉天壤  
間道遙各隨形人生亦何有泛若水上萍勿作  
分外念但勉明德馨乘時各努力日馭不我停  
夢回故園好蘭菊羅中庭從知靖節醉遠勝次  
公醒

秘閣鄭公移節知部置酒餞別詩以侑之  
嗜僻寡同好意合難語離傾蓋今幾年盍簪慙



心期况復王事同退食陪委蛇窺君肺腑中落  
落無藩籬獨有見義勇褰褰欲從之憂時多苦  
語懷古更餘悲坐使嶺海間冰雪映清規我拙  
倚君重孤懷良自知正如乘霧行不覺蒙其滋  
人生豈無別念此尤依依維閩號蕃庶今亦困  
繭絲平時里社游耳目到隱微想當入境初不  
待褰車帷書綉匪所榮民瘼要深醫看培邦本  
強詎止鄉國肥還歸報明主廟論資扶持願堅  
歲寒節慰我別離思

清明後七日與客同爲水東之游翌朝賦

此

平生山水癖妙處只自知夙約常寡味邂逅愜  
心期幅巾與藜杖安步隨所之竭來坐官府頗  
覺此願違城頭望群峯欲往類絆羈三春苦風  
雨晴日一伸眉沙邊散車騎竹輿從嘔啞獨與  
三四客野服相追隨亭高俯空曠洞古探瓌奇  
懸崖隱日月幽壑蟠蛟螭澗水雜鳴佩松風發  
清吹興來即傾酒語到亦論詩聊措簿書眼償  
此間暇時所歷固未厭所感多餘思昔遊木葉  
下今茲綠陰肥江山雖可識歲月迺如馳素餐



豈不念懷安敢云私歸來耿不寐歌枕聽晨鷄

題榕溪閣

寒溪澹容與老木枝相樛其誰合二美名此景物幽太史昔南驚於焉曾少休想當下榻初清與耳目謀品題得要領亦有翰墨留我來訪遺址密竹鳴鉤輶稍令舊觀復還與佳客遊樹影散香篆水光泛茶甌市聲不到耳永日風颼颼所忻簿書隙有此足夷猶平生丘壑願如痼不可瘳雖知等喧寂終覺靜理優更思濯滄浪榕根浮小舟

送陳擇之

君能千里來乃作觸熱去涼秋幸非遙歸計無已遽向來文字間講論有平素及茲共王事益得君佳處幾微獨深窺圭角本不露豈期寂寞濱獲此友朋助吾邦雖云僻山水足竒趣更期休沐晨相與窮杖屨匆匆何少惊咄咄出別語君懷負丞思行矣當及戍我亦念歸歟霜天收栗芋後會未可期往事屢回顧贈言復何有獨以此道故寥寥千載前達者同一路所趨固絕塵所履無虛步臨深覺居高仰止有餘慕要須



學滄溟匪此百川注他年儻相憶訪我城南圃  
無使歲月深永思編簡臺

止酒

淵明通達士止酒乃成詩終焉未能忘寄意良  
在茲勇哉典于君覆觴無再期念彼萬乘貴艱  
難有深思况乃一介士而或志可移放齋接前  
訓剛制聖所辭銘心諒無斃多言亦奚爲

斜川日雪觀所賦

行客念故里勞者思少休如何歲華新尚爾天  
南游涉五遇佳日品題自名流聊復措病眼沙

邊玩輕鷗和風著冠巾春意動林丘緬懷千載  
人孤高諒難儔亦有一二士舉酒相勸酬未知  
吾故園草木如此不政拙甘下考智短空百憂  
賜歸儻蒙幸舊盟良可求

靜江歸舟中讀書

南風駕小雨群山淨如沐吾歸及新涼所歷慰  
心目軋軋柔櫓鳴卧見山起伏推枕意悠然還  
取我書讀平生領解處於焉更三復老矣百念  
踈但欲斯境熟向來五嶺游日力半吏牘小心  
了官事終覺媿俾獨世路自險夷人情費追逐



翩翩孤飛翼息蔭望林麓

張子真揚政光吳德夫追路湘源賦此以別

驅車出巖關觸熱歸路長一雨群物蘇吾行亦  
清涼灘水自南去湘流正洋洋眷言二三友跋  
馬勤送將蕭然短長亭每語夜未央張子名家  
駒千里方騰驥揚郎嶺中彥而能歛鋒鉞延陵  
舊所熟氣味固難忘向來幕府遊三秀麗齋房  
居然出別語分袂楚粵鄉人生會有別勿悲參  
與商獨有贈言意臨歧更平章風俗易移入宦

途劇羊腸千鈞有不守決去飛鳥翔要當勉自  
持詩書作金湯他年相會處刮目看增光爲謝  
桂父老無澤留一方惟餘石間字時與洗苔蒼  
登江陵郡城觀雪

黃雲澹四垂飛雪忽無際排空風力靜整整若  
有制穿林初着花點瓦已成毳低連七澤波遠  
接關河勢憑城領竒觀壯思起病滯四年領邊  
州氣候若多盤清秋日昏昏仲冬雷虺虺雪花  
有時零轉首即開霽及茲洗瘴睎天公豈無意  
爲邦抱百憂但願得豐歲對之一欣然不飲心



已醉春前尚餘臘三白或可冀更約竹間梅共  
作歲寒計

正甫還長沙復用斜川日和陶韻爲別

吾黨有佳士寡欲自日休眷言平生心從我萬  
里游披雲度嶺嶠犯雪臨江流顧我無定蹤飄  
然若輕鷗茲行雖云遠所忻近故丘况得與君  
俱豈患寡朋儔有酒君爲飲有句君能酬如何  
舍我歸頗亦念此不我老百念冷獨有謀道憂  
臨歧無他祝簡編細研求

子遠使君出守廣漢始獲傾蓋諸官賦詩

贈別某廣漢人也故末章及之

半生落南州分與岷峩踈竭來荆江上所忻近  
鄉閭吾鄉多雋豪雜運來舟車時從說情話頗  
覺中懷舒中間識胡公粹羨真璠璵心遠氣自  
靜語簡意有餘向來有推轂入枚中祕書名場  
萬夫立人亟我則徐拳拳抱忠愛百慮纔一據  
白雲已在望思親惜居諸乞州粉榆邊政以便  
版輿同舍挽不住清風挾歸裾觀君進退聞此  
豈爲名譽春帆肯小駐論文良慰子愛君秉質  
高且復富蓄儲任重則道遠願言勿踟躕吾州



得賢牧父老想樂吾我亦有一廛徑思歸荷鋤

李仁甫用東坡寄王定國韻賦新羅參見

貽亦復繼作

三韓接蓬萊祥雲護山頂涵濡雨露春吞納日月景羨蔭背幽壑靈根發竒穎艱難航瀚海包裹走湖嶺仙翁閱世故未肯遽生癭相期汗漫游歲晚共馳騁願持紫團珍往扣黃庭境想翁面敷腴玉色帶金井芸芸納歸根湛此方寸靜清規照濁俗不惑類揚秉懸知藥籠中此物配丹鼎從今談天舌不用更澆茗

外弟信臣總幹西歸駐舟沙岸得半月之款於其行口占道別

外家源流遠文物被諸孫嗟我數年來頗識佳弟昆酥酪本同味蘭芷非殊根競爽有如此知當大其門信也來過我氣貌清而溫方忻駐足地中有靜者存皎然明月光豈復受濁渾填麓迭和時此理試共論

廬山有勝處曰卧龍南康朱使君始築茅

繪諸葛武侯像於其中以書屬予賦詩寄

題此篇



廬山僊靈宅佳處固非一頗聞卧龍勝幽深諒  
難匹懸瀑瀉琮瑋石壁兩岑嶺草木被光輝波  
瀾動回波今年朱使君下馬恍若失徘徊領妙  
趣指點築茅室爲愛卧龍名英姿慨超軼於焉  
儼繪事長風起蕭瑟髣髴梁父吟尚想翁抱膝  
慘澹風雲會飄忽日月疾獨存經世心千載詎  
可汨褰裳欲從之雲濤渺寒日

淳熙四年二月既望靜江守臣張某奉

詔勸農于郊乃作熙熙陽春之詩二十四  
章章四句以示父老俾告于其鄉之人而

歌之

熙熙陽春既發既舒翼翼南畝是展是圖嗟爾  
農夫各敬乃事往利爾器誠爾婦子惟生在勤  
勤則及時惟時之趨時不爾違祈祈耳雨膏我  
下土習習谷風和澤乃普往即爾耕惟力之深  
往蒔爾苗勿倦其耘于日于夕自遂自達爾心  
勿忘彼生孰遏惟天之心矜我下民民不違天  
使爾有成既極既實既堅既好爾獲既周先養  
爾老保爾家室撫爾幼穉既迄有年復思嗣歲  
嗟爾父老其訓其誠俾務於本惟土物愛不念



其本則越其思所思既越害斯百懼嗟爾父老  
其告其喻爾之有生君實覆汝尊君親上其篤  
勿忘小心畏忌率于憲章嗟爾父老教之孝悌  
孰無父母與其同氣反于爾心孰無愛敬即是  
而推烏往不順嗟爾父老勿替諄諄其未率從  
警厲其身告以禍患其使知懼無俾蹉跌以陷  
罪苦惟國之法燁燁其垂使爾知避豈欲爾施  
爾或自陷予疚予恫曷使予懷寘于爾衷於赫  
聖主敷德流澤布宣弗厯時予之責咨爾父老  
助予念茲豈予之助報國是宜粵以今日勸相

于郊乃作此詩以懋爾勞咨爾父老尚演厥義  
其諷其歌于鄉于里俾一其心服我訓言擊鼓  
坎坎自右有年

南軒先生文集卷第三



南軒先生文集卷第四

律詩

和石通判酌白鶴泉

談天終日口瀾翻來乞清甘醒台根滿座松聲  
間金石微瀾鶴影漾瑤琨淡中知味誰三豨妙  
處相期豈一搏有本自應來不竭濫觴端可驗  
龍門

憇清風峽

扶疎石木矗危梯開始知經幾攝提還有石橋  
容容坐仰看蘭若與雲齊風生陰壑方鳴籟日



烈塵寰正望霓從此上山君努力瘦藤今日得  
同携

讀李邕碑

荒榛日莫倚筇時歎息危亭北海碑後輩但知  
尊字畫當年不得戍邊垂豈關貝錦能成禍祗  
恐干將不自竒杜老情才千古意如今誰詠六  
公辭

登法華臺

山間景物轉流年臺上風光處處傳放目便應  
雲夢小憑欄平挹祝融巔忽尋故國占天際誰

看孤舟繫岸邊百感還將山下去肯同槁木墮  
深禪

謝楊文昭主簿寄詩楊之父紹興間倅建  
康不屈於兀木而死

迺翁詈賊氣如虹千載衣冠起悞庸雙廟已應  
同卞壺佳兒今喜見甄逢傳郵贈我凌雲句斷  
簡知君學古曾忠孝可全須力勉策勳寧復羨  
侯封

楊公血食金陵政  
與卞將軍祠相望

喜廣仲伯逢來會

二阮向來俱莫逆支筇爲我到山巔濁醪共飲



聊復尔勝集于今亦偶然人立千峯秋色裏月  
生滄海暮雲邊高談此地會知幾一笑歸來對  
榻眠

和黃仲秉喜雨

雨後清泉澆舍流懸知耘耜遍南州占相歲事  
端無恙勞苦農人亦少休好句收功經百鍊彌  
旬不見便三秋閑來只願長豐稔江海白鷗盟  
共求

遊道場山次沉園錄韻

玻璃盆外起千鬟路入空濛紫翠間心遠最便

天宇迴眼明偏見野雲閑寒泉宰木留千載清  
磬踈鐘度兩山我亦湘城三徑在湖邊歸去洗  
塵顏

早秋湖亭

澤國今年秋氣蚤湖亭清晚獨裴徊翩翩荷蓋  
隨風舞蕭瑟松聲帶雨來靜處豈云身計得吟  
邊但覺歲華催悠悠遠思憑誰寫多病新來罷  
酒杯

賊同畏知寓齋

知君隨寓即能安久矣家山詠考槃幕府漫游



從鬢禿竹牕寄傲有書觀此身詎可忘三省世  
路何妨閱萬端俯仰周旋皆實理未應祇向寓  
中看

送甘可大

子陵溪水千年綠猶憶登臨日暮時子去定能  
尋勝旣書來當復慰相思簡編有味寧論晚得  
失從渠莫自疑也學迂踈教似舅不應空賦渭  
陽詩

送胡伯逢之官金陵

相望數舍已云踈遠別何因執子袵漫仕想應  
同捧檄舊聞當不廢觀書月明淮水空陳迹山  
繞新亭有故墟暇日更須頻訪古因來爲我道  
如何

寄題建安公梅山堂

梅公山色近庭除勝日供公几杖餘千古謾傳  
棲迹地當年誰憶愛君書丹心炯炯元無間白  
髮星星不用鉏待得斯民俱奠枕歸來端亦愛  
吾廬

重九陪詳刑護漕東西樓之集

獵獵西風滿角巾登臨秋思與雲平山圍四野



高低碧江遶東城今古清莫恨寒花未堪摘且  
忻樽酒得同傾政須客裏頻回首細話家山此  
日情

次趙漕贈王昭州韻

煌煌金節按江城驛路梅花正小春聞說爭迎  
來滿道定將何術慰斯民憇棠異日誇南國懷  
橘歸時拜壽親流澤會看均一路要今治象復  
熙淳

九日登千山觀

清晨領客上巉巖野路衣襟濕翠嵐九日開樽

仍絕景西風欹帽且高談地形盤薄一都會山  
色周遭萬玉簪却指飛鴻煙漠漠故園茱菊老  
江潭

和正父游榕溪韻

隔岸高低露碧山眼明便作故園看直從榕影  
度輕舫更傍溪光撫曲欄鴻鴈來希空悵望梅  
花開早未初寒喜君萬里同情話明月清風足  
佐歡

仲冬朔日登湘南樓復用正父前韻

歷遍江南處處山嶠南還得倚樓看化工此地



無餘巧爽氣窮冬更逼欄官事隨時寧解了書  
盟平日未應寒相逢自有論文樂只把空杯未  
礙歡

六月二十六日秀青亭初成與客同集

亭成勝日好風光佳客携將共一觴蒼壁插空  
千古色高松蔭堤三伏涼網魚縷贈寒水玉剝  
蓮煮鼎甘露漿便覺故園渾在眼祇應灘水似  
瀟湘

送韓宜州

頃年未識宜州面已信諸賢品藻公幕下從容

逢益友曾中翫麟本家風一麾且與寬彫瘵華  
髮應無慕勇功從古安邊須自治人情初不問  
華戎

鹿鳴宴

從昔山川夸八桂只今文物盛南州秋風萬里  
携書劍春日端門拜冕旒聖世取才先實用儒  
生報國豈身謀且看廷策三千字爲寫平時吠  
畝憂

送宇文正甫

重來能復幾旬餘臨水登山又送渠夜雨已知



農事好春寒未放小桃舒眼前佳處應難盡別  
後書來誰可踈我亦相將歸舊隱杖藜時復訪  
樓居

雨後同周允升登雪觀

一雨端能減百憂肩輿徑上最高樓山容淨洗  
無窮碧江水新添自在流已覺春隨花片老不  
應身似賈胡留煙篆風笠南山下正好歸歟看  
麥秋

題邢使君釣隱

使君卜築占芳洲短檻踈籬處處幽風月隨時

供燕几笑談終日在中流翩翩影落來賓鴈漠  
漠寒生欲下鷗城市山林俱寓目問君底處足  
消憂

某辱歸父丈惠貺新詩謹次韻末章爲別  
淮海相從幾歲年南州鴈不到西川重逢影落  
煙沙外却喜身如金石堅莫歎武城資莞爾且  
看平楚正蒼然剽繁自是君餘事毫髮難逃止  
水淵

和查仲文雪中即席所賦

方帽衝泥有客來九衢俗眼莫驚猜一樽相對



十年外兩脚新從萬里回  
壯志未隨衰鬢改  
孤懷良爲故人開  
雪中細放梅花發  
不用匆匆羯鼓催

和宇文正甫探梅

天與孤清迥莫隣  
祇應空谷伴幽人  
千林掃迹愁無那  
一點橫梢眼便親  
顧影莫驚身易老  
哦詩尚覺句能新  
幾多生意冰霜裏  
說與天桃自在春

襄州護漕使者張侯寄示所作快目亭記  
辭多慷慨予讀而壯之且想斯亭觀覽之

勝爲賦此

聞說君家快目亭  
益江直上起千尋  
昔人事業規摹在  
故國山河草木深  
世態從渠翻覆手  
壯圖還我短長吟  
會須一展平戎策  
始稱平生落襟

送舜臣撫幹表兄赴部

疇昔相看意便傾  
重逢便覺眼增明  
半生漫仕壯心在  
五月長江去棹輕  
龜壘久藏千乘寶  
鵬風方快九霄程  
公朝兼用人門選  
外氏傳家舊有聲



壽定叟翁

爲邦和氣滿鄉閭袖手還家樂有餘案上簡編  
元好在閑中日月更寬舒功名且要身長健壽  
尺何求計不踈好泛菊英斟壽酒扁舟吾欲賦  
歸歟

重九日與賓佐登龍山

曉風獵獵笛橫秋澤國名山九日游萬里煙雲  
歸老眼千年形勢接中州丘原到處堪懷古更  
菊隨時豈解愁此日此心誰共領朝宗江漢自  
東流

贈樂仲恕

老子曾從先覺遊後來文采繼風流習中有意  
窮千古筆下成章映九秋塵世利名無着莫聖  
門事業要精求詠歸消息今猶在魚躍鸞飛會  
得不

小園荼蘼盛開伯承以詩見督置酒于此  
爲增不敏之歎

留連紅紫計無從晚惜芬芳萬卉空枕上幾回  
清夢斷風前政可碧紗籠春隨夜雨但三歎韻  
入香醪尚一中長有花開消息在不應鳴鼓便



相攻

再和

閉門謝客少過從獨倚脩篁傲碧空忽喜子條  
發瓊葉紛如萬鶴出樊籠與君前日徘徊久得  
句懸知慘淡中曾次本無愁可着何爲苦要酒  
兵攻  
夜讀章編起欲從門前流水落花空春同心事  
應長在月當燈光不用籠弔古誰能嗟澤畔高  
吟且欲効隆中君詩似玉無瑕玷豈有它山石  
可攻

市朝車馬列雲從君自危樓出半空但覺乾坤  
增老眼不妨日月轉空籠花開花落關何事江  
北江南只此中互出新詩殊未艾長城尚許短  
兵攻

和楊教授

道在無今昔才難有屈伸青編知子意白眼付  
時人鏡裏顏容舊曾中事業新絕歎知味鮮渠  
自說甘辛

客少從蒿長居深懶戶開孤城歲云莫瘦馬子  
能來長策憐葵向新詩更雨催相看前日事此



首忍重回

送少隱兄赴興元幕

出手寧嫌晚論心本不欺五年江左客萬里故  
園思肯枉洞庭棹來尋棠棣詩周知名義重豈  
但慰朝飢  
邊塞連關隴貔貅罷戰征幕中須預計堂上乃  
奇兵漢水追前策秦原憶舊耕書生亦多事慷  
慨試經行

廉州何使君挽詩

橘井登賢籍槐宮並俊游姓名題鴈塔文字上

瀛洲

公嘗進卷  
召試詞科

音簡窮千載朱轡但一州有懷

終未試眼看落山丘

憶昔滄江上相逢意便傾胷中元浩蕩筆下更  
縱橫士伏徐公德人言景倩清定應知里敬粉  
社祭先生

和張晉彥遊嶽麓

齋舫凌煙浦雲屏入畫圖日烘花炫晝風定水  
明湖布穀催春種提壺勸客沽湘中無限景賦  
詠繼三都

送臨武雷令



詔舉循良吏時資撫字功人情平易看治道古  
今同綠野新耕盛潢池舊習空便應君課最名  
姓御屏中  
去路連崇嶺扁舟上漲濤不違將母願敢歎獨  
賢勞境靜歸鳧鴈庭空長艾蒿不妨頻挂頰千  
里寄風騷

喜雨呈安國

望歲民心切爲霖帝力均崇朝變炎暑舉目盡  
清新坎坎連村鼓熙熙萬室春北窓涼枕簟安  
穩到閑人

十二月十六日夜枕上聞雷已而大雪

春信梅邊動雷聲枕上驚忽看窓紙白頓覺竹  
聲清江海空餘夢壺觴起自傾朝來倚樓處玉  
樹滿湘城

過湘潭劉信叔舊居有感

北渚留行客東陵憶舊侯池蓮半枯折風葉正  
颼颼事業留千載英雄去一丘平生許國志歲  
晚詎悠悠

題唐興寺湘江亭

寺廢蒼崖聳江回遠岸明風霜摧翰墨

有唐大中記及



詩刻兵火後 歲月老絲緡寺右有兀坐知茶味  
沉于潭中 閑行忘去程 長哦伊水句 回首若為情鄭都官常題詩

云湘水似伊水 湘人非故人

彪德美來會于泉有詩因次韻

君卧衡山北 我行湘水濱 相逢還莫逆 清絕兩  
無塵 勝集追前日 輕陰近小春 濯纓聊復爾 舉  
首謝簪紳

上封有懷元晦

憶共朱夫子 登臨冰雪中 劇談無俗調 得句有  
新功 別去鴈橫浦 重來月滿空 遙憐今夕意 清

夢儻相同

題福巖

擲鉢峯前寺 肩輿幾度來 樓臺還舊觀 杉檜撫  
新栽 湘水堂堂去 秋山面面開 裴徊千古思 風  
壑有餘哀

題南臺

相望幾蘭若 勝處是南臺 閣迥規摹隱 門空晝  
夜開 回風時浩蕩 高嶺更崔嵬 謾說石頭滑 支  
筇得往來寺多風二門不可置

由西嶺行後洞山路



西嶺更西路雲嵐最窈深水流千澗底樹合四  
時陰幽絕無僧住閑來有客吟山行三十里鐘  
磬忽傳音

過高臺寺

著屋懸崖畔開窓疊嶂秋半歌雲榭冷不斷石  
泉流茗椀味能永竹風聲更幽平生版庵老得  
句似湯休寺之前有雲莊榭舊車轍亭侍郎胡  
其害已者所去也  
長害了信有詩名

宿方廣寺

俗塵元迥隔景物自天成山近四園碧泉鳴永

夜清月華侵戶冷秋氣與雲橫曉起尋歸路題  
詩寄此情

和黃漕雪中將至長沙

吾道元如砥人間謾畏途未容舟并峽且泛雪  
平湖子孝寧投杆天回看脫弧不應從我懶欲  
老豆麻區

人日遊城東晚飯陳仲思茅亭分韻得香  
字

絕憐梅事晚與客到林塘瓦椀村醪釀杯羹野  
菜香舊遊看壁字新歲尚他鄉一笑俱真率悠



然意未央

二月十日野步城南晚與吳伯承諾友飲

裴臺分韻得江字

春日煙沙岸禪房風竹窓有時傾綠酒隨處見  
清江世路紛多轍吾生老此邦千林看不盡白  
鳥去雙雙

與弟姪飲梅花下分韻得香字

日夕色愈正春和天與香提携一樽酒問訊滿  
園芳嗣歲詩多思懷人心甚長更須多秉燭玉  
立勝紅粧

十四日陪黃仲秉渡湘飲嶽麓臺上分韻

得長字

支筇穿百級把酒問春光喬木依然在幽蘭秬  
自芳未當湘水滿更覺橘洲長暝色猶回首天  
涯話故鄉

王長沙約飲縣圃梅花下分韻得梅字

平生佳絕處心事付江梅縣圃經年見芳樽薄  
暮開朗吟空激烈燒燭且裴徊未逐微書去窮  
冬尚一來

湯總管邢監廟約遊城東酒間求詩爲賦



此

春事已如許客愁空自多  
梅花成莫逆樽酒付  
亡何楚邢郎子耽耽老伏波  
定應容我醉耳楚  
熟更高歌

謝胡掾惠詩

一見知心事旋觀慰月評  
慈祥漢循吏儒雅魯  
諸生莫作周南歎終期冀北程  
新詩連夜讀梅  
影伴孤清

除夜立春

積雪陰難解新梅凍未開  
誰知殘臘底已報早

春來一氣元無息群兒浪自猜  
短檠非守歲百  
感政交懷

送趙節卿

昭代才難歎宗盟世有人  
千鈞定晚試一角信  
逢真政擬尋梅共還經折柳  
新青雲看穩上回  
首楚江春

二月二十五日登裴臺坐上口占

朝來風雨好抱病亦登臨  
故國江山在荒城花  
柳深憂時空百慮望遠只微吟  
春事如櫻筍幽  
盟可重尋



上巳日晚登裴臺自仲春凡三登  
前日看花地重來對落暉雨餘山着色沙沒水  
初肥寒食家家出殘紅樹樹飛還同二三子及  
此詠而歸

長沙郡丞丁君挽詞

廉吏今尤重朝家詔舉頻方看千里駕忽盡百  
年身職業憂勞甚遊從笑語真空今行路歎沒  
後見清貧

和黃仲秉喜雨

雨涼窓戶好佳木正陰陰畎畝憂時念乾坤濟

物心引泉聊自照移竹更親臨尚想皇華使風  
前擁鼻吟

寄侯彥周

塞鴈仍南去慇懃問陽催科應獨拙理髮詎  
能長邑古絃歌地年豐魚稻鄉婆娑還得不三  
徑未云荒

過長橋

西風吹短髮復此渡長橋木落波空闊亭孤影  
動搖徘徊念今昔領略到漁樵儻有山中隱憑  
誰爲一招



多景樓

疇昔南徐地登臨北固樓平原迷故國滄海接江流木落煙莎晚城孤鼓角秋寄言鷗鷺侶吾已具扁舟

金山

萬頃洪濤裏巍然閎古今雲煙三島接花木四時深亂石維舟住西風倚檻吟朝宗知不斷凄切此時心

重陽前一日

九日明朝是清樽強自開蕭蕭疎雨暗袞袞大

江來野菊閑無數沙鷗靜不猜何須騎臺飲此興亦悠哉

十五日過小孤山

沃野迥千里巋然突孤標崖分勢亦裂江靜影頻搖栖鷺巢何險盤柯凍不凋吾行足觀覽未覺客程遙

新亭

風景自今古斯亭今是非絕憐江水去還有故山園得失同千慮成虧共一機所思惟謝傳不但勝淮淝



庚申過青草湖  
已越重湖險張帆勝順流  
亂雲藏野寺橫網開  
漁舟物色湖南好風霜歲晚謀未知  
荒歉後得向似來不

南軒先生文集卷第五

南軒先生文集卷第五

律詩

喜聞定叟弟歸

吾弟三年別歸舟半月程  
瘦肥應似舊歡喜定如兄  
秋日聯鴻影涼窓聽雨聲  
人間團聚樂身外揔云輕

聞定叟弟已近適迫祀事未能出先遣姪輩往迎書此問訊

漸喜書題近懸知歸意忙  
才聞下湘水早已過衡陽  
雨洗秋山淨涼生桂樹香  
慙慙二三子策



馬爲迎將

醇叟崇道之喪未得往哭聞窀穸有期輒賦二章以相挽者

慶帝親賢胄心知道義尊如何着閑處終不近  
脩門三載成長別微言未細論人琴俱寂寞風  
雨閉丘園

晚歲渾無事端居只自如冰霜澆隗磊日月老  
蘧篠山寺留題墨晴窓罷卷書從今行嶽路忍  
復過公廬

故太子詹事王公挽詩二首

大節元無玷中心本不欺排姦力扛鼎憂國鬢  
成絲方喜三旌召俄興一鑑悲西風吹淚眼夫  
豈哭吾私

睿主龍飛日如公舊學臣忠言關國計清節映  
廷紳歲月身多外江湖澤在民當年遺直歎千  
古更如新

詩送陳仲思參佐廣右幕府

舊說桂林好君今幕府遊江山資暇日梅雪類  
吾州煮海何多說安邊更預謀政應勤婉畫不  
用賦離憂



呂善化秩滿而歸兩詩贈行

今尹三年政湘民去昔思艱難抹苗歎憂瘁見  
云爲薦牘今交上夷途去不疑正須頻顧省御  
者可無辭

伯氏相從舊歸來意若何從渠笑方拙還我自  
吟哦聖有詩書在人多歲月過德門好兄弟夜  
雨細研磨

默姪之官襄陽兩詩以送之

默也相從久吾心念汝多又爲江漢別空覺歲  
年過氣習須消磨工夫在講磨惟應介如石人

事易蹉跎

潦雨彌旬月子方念鞠窮子行何草草別語又  
忽忽漢沔英靈在江山今昔同未須登峴首先  
合拜隆中

送零陵賈使君二首

籍甚零陵郡風流記昔賢宅存元水部人識范  
忠宣山近地宜竹溪清岸有泉官閒時訪古餘  
韻故依然

孝友傳家法如君好弟兄祗應推此意便足慰  
民情間歲仍艱食新書督勸耕想今瀟水畔惟



日望雙旌

寄曾節夫

曾子別經月相思如幾秋不應行役歎却爲賈  
胡留雨後湖光滿梅邊春意浮須君細商略晴  
日共茶甌

送周畏知二首

秋冬仍苦雨旬浹喜霜晴木末樓臺見江頭橘  
柚明登臨方適意離別已曾情後夜相思地寒  
梅影正橫  
半世功名誤蒼顏幕府游文辭追楚些得失付

陽秋薦牘方交上衡門豈重留青雲看穩去快  
處一回眸

題伏龍寺壁

少日憶曾到歸途得小留回還山寺古蕭瑟柳  
林秋道路情無那琴書可細未從來士窮達分  
付水悠悠

送外弟宇文挺臣二首

合族情尤重論文意復深還爲萬里別未盡幾  
年心佳處應相憶書來儻嗣音及時須努力莫  
待鬢華侵



漠漠離江上忽忽送客情平原宵雨濕絕壁野  
雲橫世路多新轍章編有舊盟中流屹砥柱過  
浪豈能傾

寄題周功父溪園三詠

聞說亭花好居然似蜀鄉色深姿不俗香淡意  
能長高燭留深夜輕陰護晚芳何心較桃李只  
擬荅春光

右嫣然亭

未識主人面先為溪上吟澄潭依近岸絕壁聳  
遙林頌略襟期遠登臨歲律深想當軒冕外三

歎有餘音

右溪亭

溪園平廣處雅稱雪中游疎密看千變高低共  
一丘寒知松節勁靜覺竹聲幽還有故人否當  
能着小舟

右雪亭

曾節夫罷官歸盱江以小詩寄別

俗隘寧為異言深敢自欺如何幕中辯翻作暗  
投疑行李秋將半家園菊正滋反躬端得味當  
復有餘師



寄趙漕

想得昭潭上兒童夾道迎  
皇華今日使竹馬舊  
時情梅蘂冬前折山光  
雨後清使君桃李客當  
爲駐車旌

送李新州

清絕湘南地鄉閭見老成  
蔽棠方有望折柳却  
關情側聽輿人誦還新月  
且評相望幸鄰壤猶  
得借餘明

游誠之來廣西相從幾一年  
今當赴官九江極與之惜  
別兩詩餞行

游子名家後天資更敏強  
壯懷知自許遠業定  
難量幕府文書簡章編  
趣味長居然成闊別音  
寄莫相忘

士學端成已工夫要自程  
聖門窺廣大中德養  
和平羨玉資勤琢良才詎  
小成心期須後會拭目  
更增明

寄宇文邛州

寄語臨邛守相望萬里情  
有來詩句好足驗教  
條清好古從時訕爲邦  
已政成無尋子虛賦忠  
厚詔諸生



次陳擇之遊湖韻

落日游魚上青林白鳥過稻香來隔岸巖影占  
清波招隱何年賦尋幽此地多晚涼容縱棹聽  
我采菱歌

送但能之守潯州

循吏古猶少嶺民今未蘇丁寧煩詔肯推擇得  
吾徒根本誰深念詩書計不迂惟應敢此意豈  
但應時須

送祖七姪西歸二首

萬里逢猶子中年憶故鄉只知情話好豈覺去

途長巫峽波濤壯秦山檜栢蒼何能從汝往佇  
立看歸艗

故園非喬木名家重典刑飄零念吾黨寂寞撫  
遺經菽水知何病芝蘭要滿庭汝歸應記取爲  
我話丁寧

中春過陽亭

亭古危臨岸林幽巧近城煙容隨雨住花片着  
溪清春事已如許客懷誰與傾亭前兩好樹滿  
意欲敷榮

堯廟



明祀崇千載荒山拱萬靈插天巉絕壁飛瀑下  
空庭繪事存淳古真風寄杳冥蘋蘩何以薦帝  
德日惟馨

戶曹廬陵胡君引年求謝事予視其精力  
未衰留之踰半載乃今告去不復可挽爲  
詩送別澹庵君之叔父也

出守嗟何晚懷歸已倦游細看渾翼鑠可是畏  
伊優幕下傾三語山中賦四愁平生大小阮來  
往足風流

若海運使移節廣東賦詩贈別予每過若

海諸郎誦書于旁琅琅可喜爲之重賦

行止非人料驅馳未席溫傳聞選膚使端爲慰  
黎元瘴嶺農耕少山城海氣昏唯勤凋瘵慮此  
外更何言

玉雪明人眼森然膝下郎原流知袞袞誦讀聽  
琅琅有子君何慕他年我莫量願崇詩禮訓勿  
近利名場

送李崧老歸閩二首

歷數勲賢後如君到眼希曾中蘊金石筆下出  
珠璣傾蓋嗟何晚臨流又送歸他年儻相憶尋



我釣漁磯

公事妨開卷遐征念索居能來數月欵端爲百  
憂紓師友洛川上人才元祕初歸來有新益不  
惜幾行書

和定叟送行韻

舊別情何限重逢意豁然相看疑似夢欵語不  
成眠但欲燈窓共其如事役牽回應回首處祇  
在集雲前

題益陽清修寺

峯勢香爐直溪流峽水潺居然一蘭若喚作小

廬山老木千崖表孤亭萬竹間明朝問征路回  
首白雲閑

故觀文建安劉公挽詩四首

憶昨登廊廟忠言達帝聰所思惟盡瘁敢復計  
成功半世江湖上千憂寤寐中汗青誰秉筆請  
致衆言公

國恥臣當死公家三世心忍看垂絕筆誰續斷  
絃音精爽今如在衣冠恨更深却嗟蛛與志處  
世漫侵尋

平日多奇節中間似富公天從廬墓請人說抹



荒功辛苦培邦本雍容遏亂鋒  
文傳遺奏切更過子囊忠  
曾是南荆地他年竹馬迎  
旌旂嚴騎士弧矢盛  
民兵細攷規摹舊還知  
節制明思公如峴首同  
我淚縱橫

追餞馬憲

膚使行原隰清風伴往還  
詩情渾漫興雪意正  
相關許困心何壯憂民鬢  
易斑留連三日語解  
后十年間

某以四十字送詳刑使君

拙守荆江上無人共往還  
能來慰牢落諾舊幾  
間關冬壑龍蛇蟄風林  
虎豹斑相期涵養力直  
到古人間

除夕登仲宣樓

懷土肯人志傷時此日心  
長江霜潦淨故國莫  
煙深訪古多遺恨憑欄  
更獨吟細看前浦樹生  
意已堪尋

隔牆聞正父鄉飲甚樂  
偶畏風不預用前  
韻敬簡

元日忻晴色新年祗舊心  
故人同客裏鄉語自



情深儘說成都酒，休爲楚澤吟。相逢須痛飲，歲月易侵尋。

劉勝因自襄陽過予渚宮於其歸小詩贈別

翫麟寧多忤，棲遲久倦游。折肱諳世味，袖手惜良籌。日月隆中晚，風煙峴首愁。登臨應慷慨，還解寄詩不。

光弼姪得邑西歸賦詩勉之併示光義二首

共惟二百載詩禮一門中，冷落吾憂甚扶持。爾

輩同傳心無異轍，隨用不言功。外慕知何極，惟應念祖風。得邑寧論小，居官最近民。中誠儻無倦，同體會相親。暇日書還讀，清源政自新。吾兄有遺訓，爾輩足持循。

送曾棗父

文舊問何闊，能來決日留。還尋佳橘頌，情別仲宣樓。探古書盈屋，憂時雪滿頭。絕思黃閣老，招

隱意綢繆樞密劉公嘗欲以遺逸舉棗父

帳幹周君桂林相，從之舊已亥。莫春出嶺



迂道相過臨別末予言姑賦此  
江北逢新雨湘南憶舊遊能來慰岑寂恨不小  
遲留日月徒催老功名浪自愁惟應編簡樂在  
已可深求

中秋與僚佐登江陵郡城觀月

涼意今年早蟾光七澤多憑欄共懷古擁袂獨  
高歌風物關山遠功名歲月過一樽聊復爾於  
此興如何

遊章華臺

楚國舊雄勝荒臺今是北平川留宿澆蕭寺掩

斜暉木落秋聲急天高鴈影微淒涼無處問騎  
馬踏堤歸

和元晦擇之有詩見懷

作別又如許何當置我旁卷舒書在手展轉月  
侵床合志師千載相思謾一方臨風三歎息此  
意渺難量

送范伯崇

堂堂延閣老遺範見斯人孝友傳家舊詩書用  
力新人心危易失聖學妙難親願勉思弘毅末  
仁可得仁



定叟弟生辰

清秋記孤矢舉酒頌年長別去今踰歲情親祗  
對床羣編閱玩味幕府小徜徉刮目它時看光  
暉映棣棠

南軒木犀

不隨秋月闕天香冰雪叢中見縷黃却得清寒  
惜花地少須梅影慰孤芳

和安國送茶

官焙蒼雲小卧龍使君分餉自題封打門驚起  
曲肱夢公案從今又一重

賦鄭子禮壽芝堂

莫向堂中覓壽芝主人心地本平夷子孫保此  
傳家瑞世享長年自不疑

喜雨呈安國

懸知雨意未渠已一夜簷聲到枕間曉上高樓  
望雲氣蟄龍千丈起西山  
早秧出隴蠶已絲眼中一雨正垂垂農家辛苦  
渠能識請誦周公七月詩

向來惻怛哀矜意便覺雨滿乾坤間城東大士  
寧關汝民倚邦侯如泰山



涼生椽筆試烏絲妙語使作星斗垂我亦小窓  
無一事細傾新酒和公詩

自烏石渡湘思去歲與朱元晦林擇之偕  
行講論之樂賦此

朝來一舸渡湘水山色橫秋真可憐忽憶去年  
聯騎客沙邊搔首意茫然

道間晚稻甚盛喜而賦此

我行自喜有勝事夾道黃雲禾黍秋聞道今年  
罷和糴老農卒歲儻寬憂

墳庵枕上追愴賦此

秋氣惻惻侵戶牖霜林風過猶餘音八年淚濕  
龍塘土展轉不眠中夜心

晚晴

昨日陰雲滿太空眼前不見祝融峯晚來風卷  
都無迹突兀還爲紫翠重

渡興樂江望祝融

日上寧容曉霧度須臾碧玉貫明霞人謀天意  
適相值寄語韓公不用誇

仲秉再用前韻爲梅解嘲復和之

幾年身在水雲間愈見花邊下語難猶有故人



相慰藉西山載酒未盟寒  
東君豈是結新知誰共群芳較疾遲不但開花  
高一世更看嘉實滿青枝

有懷安國

若人別去已經秋却見山間翰墨留獨對西風  
揩眼試從雲際辨荊州

自上封下福巖道旁訪李鄴侯書堂山路  
榛合不可往矣

石壁巉巖路已荒人言相國舊書堂臨機自古  
多遺恨妙策當年取范陽

下山有作

五日山行復下山愛山不肯住山間此心無著  
身長健明歲秋高却往還

廬陵李直卿以復名其齋求予詩久未暇  
也今日雪霽登樓偶得此遂書以贈顧惟

聖門精微細領豈淺陋所能發祇增三歎  
李侯索我復齋詩此理難明信有稀要識聖賢  
端的意須於動處見天機

萬化根原天地心幾人於此費追尋端倪不遠  
君看取妙用何曾間古今



和張荊州所寄

自古荊州通陸海，抵今學士過青錢。笑譚坐了

牢邊策取次成詩，盡可編詩來千里。作春妍尚記城

南五畝園，豈但苔痕留履齒。故應石上有窪罇。

有時散策過西隣，共向東風憶故人。芙蓉亭下

池水滿，敬簡堂前楊柳春。鍾陵未命千里駕，洞庭亦

繫沙邊舟。閉門讀書

臥歲晚，世事敢云風馬牛。共父安園皆欲相招未能往也

明時未可廢譚兵，壯歲寧容便乞身。何人為向

沙頭去，憑仗慇懃一問津。

正月強半梅猶未開，黃仲秉作詩嘲之次

韻

孤芳未落人間，故向東風小作難。眼底莫容

蜂蝶亂，好留明月趁春寒。

水邊疎影幾人知，尚喜詩翁到未遲。怪得尋花

心眼別，去年曾賦上林枝。

謝邢少連送葡萄豆蔻栽

君家小圃占春光，眼着龍鬚百尺長。移向樓邊

並寒井，明年垂實更陰涼。



留取園中數畝賒擬栽靈藥謝紛華兒童今日  
知翁喜移得君家豆蔻花

晚遇吳伯承留飲

推門野路竹毵毵落日天寒相對談可是主人  
風韻別自斟白酒摩黃柑

南軒先生文集卷第五

南軒先生文集卷第六

律詩

某敬采民言成六韻爲安撫閣老尚書壽  
伏幸過目

里昏不踏桑麻路桴鼓長閑花柳村都在邦君  
和氣裏賣刀買犢長兒孫

前時勸君出東郊父老歡呼望羽旄甘雨便隨  
車馬到眼看霑足徧蓬蒿

清坐鈴齋公事稀春來風日更遲遲曾中水鏡  
渠自避却笑韶簫徒爾爲



蜀江東下接襄江，  
揔是當年蔽帝棠。  
此地回旋莫嫌窄，  
且教春色滿三湘。  
公今卧護足從容，  
豈有扁舟欲便東。  
少待政成歸帝所，  
此邦還在化鈞中。  
湘民清曉壽邦君，  
下客慚無句語新。  
敢述老農歌誦意，  
一觴持上太夫人。

夜得嶽後庵僧家園新茶甚不多，  
輒分數

椀奉伯承

小園茶樹數十許，  
走寄萌芽初得嘗。  
雖無山頂煙嵐潤，  
亦有靈泉一派香。

四月四日飲吳仲立家梅相花下，  
吳伯承以事不至，寄詩來，次韻

翠蓋亭邊春色歸，  
還來把酒及開時。  
坐無車公意少，  
猶得風前讀好詩。

題湘潭丞黃子辯哦松軒

黃子官居多暇日，  
吟哦薄暮一窓中。  
雖無灑灑循除水，  
但覺颼颼滿屋風。

筠州曾使君寄貺中州新芽賦，  
此以謝

黃蘗山前水澆沙，  
春風吹石長靈芽。  
守窓落磴飛瓊屑，  
烏椀翻湯湧雪花。



日長燕寢無公事，忽憶故人雲水邊。  
包裏甘芳慰幽獨，使君風味故依然。

仲春有懷

青山四面擁江城，暮角聲中淡月明。  
自倚闌干生白髮，無心行樂趁春晴。  
西湖景物元瀟灑，楊柳新來兩岸垂。  
亦有游人往來否，不應閑過看花時。  
老木高枝不可攀，玉泉飛出半崖間。  
如何借得清泠水，一洗瘡痍爲解顏。  
楚翠亭邊花正開，道鄉臺下石崔嵬。  
主人今有

此客否，客亦思君日百回。

想見城南春水深，春來夜夜動歸心。  
隔牆季子應無恙，爲託飛鴻寄好音。

次韻無爲使君尊兄見寄之什

江山接境相望近，風雨一春音問踈。  
安得從公若雲上，幅巾一葉卧看書。

從呂揚州覓芍藥栽

揚州風物故依然，夢想他時楚水邊。  
乞與靈根歸自種，梢頭爾粟看新年。

鶴



月底風前意味多不妨佇立勝婆娑軒中君子  
知多少遣汝乘軒有若何

望廬山

却望廬山倚施樓半空宿靄未全收蒼然五老  
獨巖狀似欲勸人求一遊

十二月乙卯登岳陽樓丙辰再登

維舟徑上岳陽樓風雨排空暝不收明日重來  
天色好君山元自翠尤浮

舟行湘陰道中雪作

歲晚歸來風雪裏有懷端復爲誰開江清沙白

湘陰路却似當年訪戴回

登樓

風雨經旬只閉門朝來倚檻已春深不知花片  
飛多少但覺江城滿綠陰

題城南書院三十四詠

差差竹影連坡靜細細荷風透屋香午寂睡餘  
聊隱几人間何用較閑忙

新竹成林蕉葉青隔籬深處有蟬鳴晚涼更覺  
長堤靜自遠荷花待月明

塔前樹影開還合葉底蟬聲短復長睡起更知



茶味亦客來聊共竹風涼  
新涼物物有精神靜倚書窓聽雨聲忽憶子綦  
元未解強分天籟太麓生  
凌晨騎馬路新涼來挹湖邊風露香妙意此時  
誰共領波間鷗鷺靜相忘  
林塘過雨不勝秋萬蓋跳珠寫碧流倚檻孤吟  
天欲暮更穿芒屨上方舟  
山色頓清秋欲半湖光更爭日平西涼風獵獵  
低荷蓋歸翼翩翩度柳堤  
湖邊小築喜新成秋入西山照眼明不是厭喧

來覓靜四時光景本均平  
秋風颯颯林塘晚萬綠叢中數點紅若議榮枯  
是真實不知何物更談空  
移得幽蘭幾本來竹籬深處手栽培芬芳不必  
紉爲佩月白風清取次開  
今年少雨菊花遲青蘂方開三兩枝但得悠然  
真意在青山何處不相宜  
秋後冬前一月晴小園佳處日經行半山木落  
構臺露幾樹霜餘橘柚明  
鏡散喧豗十里城人情正喜上元晴瘦筇獨立



湖邊路却有白鷗同眼明  
和風習習禽聲樂猜日遲遲  
花氣深妙理冲融  
無間斷湖邊佇立此持心  
曉來天氣更清新獨倚闌干  
正暮春花落花開  
鶯自語東風吹水細鱗鱗  
花柳芳妍十日晴五更風雨  
送餘春莫嫌紅紫  
都吹盡新綠滿園還可人  
並湖數畝新疏闢便有魚兒  
作隊行我亦隨流  
浮小艇晚涼細看縠紋生  
無言桃李也成陰華底黃鸝  
自好音  
縷爐煙

清晝永羣編卷罷短長吟

化工生意源源在靜處詳觀  
揔不偏飛絮滿空  
春不盡新荷貼水已田田

野艇新成尋丈許柳堤橋浦  
足周旋添篷不但  
為遮日準擬乘涼聽雨眠

暮從別墅跨驢歸風雨蕭蕭  
泥濺衣出門回首  
且按轡細聽泉聲和式微

陰陰松竹影自轉午枕無人  
到北窓何許狂風  
來動地夢回波浪淘春江

疎竹蕭蕭正雨聲眼中日影  
又還晴鈎窓燕坐



夏將半荷葉已香湖水清

莫道閑中一事無閑中事業有工夫閑門清晝  
讀書罷掃地焚香到日晡

亭畔薰風盡日涼來從水面過新篁悠然但覺  
盈襟抱千古虞絃意未央

拍堤水滿草茸茸盡日野航西復東欲去未須  
愁日暮月明波面更溶溶

烏雲乍矯風作惡雷奔電掣雨懸河須臾天宇  
復清霽突兀西山紫翠多

朝陽初上藕花香下馬虛亭一味涼山鳥自呼

魚自樂誰云身世可相忘

北窓竹簟午陰涼亦有清風到我旁還與陶公  
事同否未妨諸子細商量

睡覺西山月正平荷香不斷曉涼生園中雙鶴  
知人意已作金風警露聲

西風夜半摧炎暑曉看雲橫天際秋時序轉移  
皆妙理惟應及早戒衣裘

新涼脩竹意逾靜初日芙蓉色倍鮮物態直須  
閑裏見人情多向快中偏

四面紅蕖鏡綠波晚涼奈此野情何憑城更覺



看山穩入戶還欣得月多  
殷雷終日在前山風卷雲環意作難薄暮有懷  
空佇立忽然飛雨到闌干

臘月二十二日渡湘登道鄉臺夜歸得五

絕

三年不作山中客才踏船舷眼便明  
杖直登千尺磴尚欣脚力慰生平  
舊日書堂倚翠屏只今棟宇尚高翔  
門前恍若聞絃誦瀟瀟遶牆流水聲  
道旁老松高拂雲剗心取明彼何人  
說與往來

須愛護雪霜時節看長身  
人來人去空千古花落花開任四時  
白鶴泉頭茶味末山僧元自不曾知  
湘江歲晚水清淺橘洲霜後猶青葱  
歸舟著沙未渠進且看漁火聽疎鐘

次韻許深父

日日經行只小園靜搗邛竹聽鳴泉  
此時心事何人共素壁題詩第幾篇  
西山老木正亭亭雲影參差陰復晴  
手卷殘書天欲暮聞君剝啄叩門聲



却下斜坡並柳堤雙飛燕子正  
嚙泥紛紛風雨  
春將半淥漲平湖橋柱低  
下轍寒江百尺坡小松新種也  
婆娑栽培擬待  
凌雲日眼底浮花柰若何  
年中一稔願無餘漸喜微  
呼吸息里晉贏得閑身  
學農圃未妨斜日帶經鋤

初夏偶書

江潭四月熟梅天頃刻陰晴  
逾變遷掃地焚香  
清晝永一窓脩竹正森然

墨梅

眼明三伏見此畫便覺冰霜  
祗歲寒喚起生香  
來不斷故應不作墨花看

日暮橫斜又一枝水邊記我  
獨吟時不妨更作  
江南雨倚寫青青葉下垂

謝韓監芍藥

一年春事雨聲裏十里楊州  
夢想邊眼底名花  
煩折贈君家風物自嫣然

龍孫竹生辰陽山谷間高不盈尺細僅如  
針而凡所以爲竹者無一不具予真石斛  
中暮春生數筍森然可喜爲賦此



小竹如針能具體方春茁筍更堪憐乾坤妙用  
無餘久隱几旁觀爲莞然

葉夷中屢以書求予記敬齋予往年嘗爲  
親舊爲記及銘矣今獨成兩絕句寄之

聰羽用處翻多暗機巧萌時正自癡若識聖門  
持敬味臨深履薄更何之

向來屢着敬齋語正恐多言意未明今日報君  
惟一句工夫端的貴躬行

謝侯彥明思白蓮栽

添得湖光百畝餘湖邊早已長菰蒲更移玉井

峯頭種還有花開十丈無

青鞋不踏遠公社偶共濂溪嗜好同少待薰風

開玉鏡與君來賦月明中

周濂溪有  
愛蓮說

書妙應庵壁

窓前新竹淨娟娟借我風涼一榻眠試問莊周  
說鵬鷖何如洙泗舉魚鳧

壽定叟翁

今年黃菊開花早手撚芳新壽一杯不用南陽

三十斛家山根蒂好栽培

堂堂自肯源流遠袞袞方來事業長駟馬安車



遵大道正須緩轡不須忙  
向來相望各天涯兩載團欒似舊時只恐桐江  
來趣駕明年把酒又相思

嶽後步月

衡嶽山邊霜夜月青松影裏看嬋娟正須我輩  
為頷略寒入衣襟未得眠

訪羅孟弼竹園

籃輿嘔軋上荒坡柰此緣城脩竹何歷眼向來  
誰復領買山未覺費金多  
林深谷窈路詰曲慘澹西山橫遠青想得天寒

來獨倚空雲髻鬢下湘靈

江梅獨立蔭頽墻苔蘚封枝色老蒼手剪蒨榛  
增歎息眼中春意滿三湘

知君日來脩竹底却課市樓朱墨程應是禪門  
嫌揀擇不論清濁要圓成

是日見孟弼方  
校市樓簿書

臘月二日携家城東觀梅夜歸

前日看花正薄陰重來晴日更精神莫教容易  
飛花片且放千林自在春

元自陽春無間斷何人能識化工心梅邊把酒  
日近午鳥語風微花氣深



晴日東山飽看花歸來野路已昏鷓坡頭認得  
踈籬處蒼苔林中小李家

仰看鴻鴈思吾弟連日清游只欠渠不知千里  
江南路亦有梅花似此無

題度樓

南瞻廬阜北淮山下有長江萬頃寒往事無邊  
隨去浪西風有客傍闌干

城南即事

活泉細引忽盈溝自遠書齋瀟瀟流添得眼前  
無限思石橋竹塢共清幽

一春風雨水平湖更覺湖心月榭孤坐看百花  
開落遍依然山色對清廬

東風吹得綠成陰積雨初收柳絮輕記取湘中  
最佳處橘花開時香滿城

月榭當湖景最奇故人千里寄新題背欄看字  
成相憶何日能來步柳堤

元晦新寄  
月榭題榜

茅亭水溜四周遭花木經春一高却望西山  
隔江水徑思一葉泛雲濤

新亭名  
東渚

枕邊風雨過今春起步園林已綠陰更向坡頭  
望湖。水雲無際遠遙岑

病起



次韻劉樞密

朔風漠漠低黃雲  
曉看繽紛萬鶴群  
爲應農祥眉一展  
更將餘力付斯文

燕寢凝香意自長  
不須乘月據胡床  
新正更喜身強健  
和氣都歸栢子觴

是日二使者出游  
晚涼有作

疎風細雨隨華節  
西浦東山揔勝游  
拙守亦忻涼意好  
挑燈清坐讀春秋

二使者游東山酒後寄詩  
走筆次韻

頗聞東山盛行樂  
坐想風前酒興豪  
領略正應

曾次別吟哦  
更覺筆端高

綉衣雙節從天下  
文字皆稱一世豪  
桂山發地凜千尺  
新詩與之相並高

壯歲幾成山水癖  
年來袖手不能豪  
忽傳燈底詩篇好  
但想雲間屐齒高

次韻范至能峽中見寄

合綰絲綸對紫薇  
却捫青壁聽猿啼  
祗應許國心金石  
蜀道如天亦可梯

前日從趙漕飲  
因得徧觀所藏書  
慨之富既歸戲成三絕  
簡之



烏雲天矯天欲雨虛堂羨蔭共徜徉開奩百軸

驚傳玩更覺人間六月涼

舊藏自是承平物新軸收從古道旁人間好事

戒多得防有雷霆下取將李全之亂護漕為寧遠宰獨守邑不去以

兵行縣郊視道旁卷帙零亂

今古驅馳翰墨場何人下筆到顏揚君侯知我

有書癖乞與西臺字幾行

題馬氏草堂復齋聽雪

前鄰百鬼瞰高明夜雨華榭歎昔人却愛君家

鴻鴈集還能葺理草堂春

今古茫茫浪著鞭誰知聖學有真傳請君細誦

復齋記直到羲文未畫前

平生求友人千里永夜論心雪滿牕為問蒲團

聽脩竹何如一舸泛清江

送林擇之

遺篇寂寞論心少一見吾人意已傾冰雪持身

金石志它年事業更光明



